

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編


齊魯書社

四庫全書存目叢書

集部
第二八二冊

責任編輯：孫言誠 賀 偉

ISBN 7-5333-0615-5



9 787533 306151 >

EB94/01

四庫全書存目叢書·集部二八二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 50.625 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二八二冊目次

集部·別集類

強恕齋詩鈔四卷文鈔五卷

〔清〕張庚撰
浙江圖書館藏清乾隆刻本

一

冬心先生集四卷

〔清〕金農撰
浙江圖書館藏清雍正十一年廣陵般若庵刻本

一一〇

產鶴亭詩十一卷

〔清〕曾庭棟撰
浙江圖書館藏清乾隆刻本

一四七

西澗草堂文集四卷詩集四卷

〔清〕閻循觀撰
北京師範大學圖書館藏清乾隆刻本

二八三

睫巢集六卷後集一卷

〔清〕李鐸撰
北京大學圖書館藏清乾隆刻本

三五九

陳石閣詩三十卷

〔清〕陳景元撰
北京圖書館藏稿本

四五八

南阜山人詩集類稿七卷

〔清〕高鳳翰撰
南開大學圖書館藏清乾隆二十八年刻本

六五六

密娛齋詩稿一卷

〔清〕鄧汝功撰
山東省圖書館藏清乾隆刻本

七二二

東坪詩集八卷

〔清〕胡慶豫撰
浙江圖書館藏清乾隆三十二年刻本

七三五

強恕齋詩鈔四卷文鈔五卷

〔清〕張庚撰

浙江圖書館藏清乾隆刻本

附《四庫全書總目·強恕齋文

鈔五卷》提要

序

浙西張氏多以詩文起家而禾中浦山徵君獨以古文老讀其強恕齋詩鈔古體居多律則什之四焉蓋浦山自幼爲客於外嘗浮大江遊秣陵至東魯謁花林城遊上谷徘徊滿城故地東探泖湖泛吳淞江西由嚴瀨訪三天子都南由錢塘會稽渡甬江又南而涉章江望廬山抵雙井拜黃文節墓又次漢南登峴首山度三關止梁孝王園上吹臺復由潼關至成都謁諸葛武侯祠足跡幾半天下宜其詩之高深靈秀發乎古以成詩家之所難造物能以布衣困浦山而不能以雙屐困浦山此則浦山詩之所自詡爲獨工也唐以詩鳴首推李杜青蓮嘗下巴江遊四方少陵客吳越齊趙往來梓樊間縱曰天才駿發凌厲千古遊實與有助焉雖然浦山詩筆之工人盡知之而不印其詩之所由工有得力於漢魏者有根源於三百者當其登高遠對酒高歌或如蘇李之別河梁或如思王之賦名都美女工於言情妙於寄托所爲得力於漢魏者至若永懷二人自傷孤苦一如小旻之大夫下至哭妹悼亡摯情流露悉合風人之微旨此則根源於三百者也若是浦山之詩又寧獨以遊勝乎哉浦山善書尤工畫與詩稱三絕四方求畫者

輒滿意以去乃謂其以畫掩詩非定論也強恕齋棄不下千餘篇吾友魯君伯敬將選其尤者付資開雕顧好事多阻稟未定而魯君遽没予悲魯君之有志而未遂復恐浦山之詩終歸于散軼爰衷而輯之俾海內稱詩者知浦山詩之所由工是則予之責也夫
乾隆十七年八月朔莖畝同學弟舒瞻

書序

序

余向聞秀水徵士有張子名庚者下車卽訪之始知其號浦山常爲客於外然里中咸稱其畫無及詩文者因卽覓觀其畫不能得越三載浦山歸遂得把臂嘗寫山水小幀見貽氣暈秀逸宗法宋元正派也明年浦山喪耦余弔之讀其所作蔡孺人行述喜其清古絕塵浦山以余知文出其著屬訂余學久燕烏能訂浦山詩文然頗愛之文之有得於史無論矣詩之可言者大抵五古原於三謝流衍於曹陸左鮑三張七古則遠宗浣花近禍北地五律多以古運七律則純以清氣行不軌一家

傳序

也今春楚攸彭君湘南選詩來禾見浦山詩極題余言亦出詩集屬訂由是我三人互爲切劘契合無間旣而念天涯相聚如萍暫合迨分手後一處江左一在楚南一居北平停雲落月之思其何以堪因鈔二子之詩余詩屬二子鈔之並付梓人以識一時盍簪之樂亦可慰他年相思於萬之一耳浦山畫筆古雅暈潤人能隨聲賞之其詩之清興以及文之樸茂宜不易識然四方有知已必不爲畫所掩也乾隆十有七年夏四月豐潤魯克恭伯敬甫撰

叙

邑父母魯公風雅宗匠也將鈔庚詩付梓惶愧走謝蓋庚詩不足梓梓則累公衡鑒無如公意堅甚可感矣痛庚七歲而孤義方無聞又無伯叔兄長約束以是肆其情之所欲年十二三卽矢口爲詩好書則無擇人物寫真山水花草鳥獸蟲魚樓閣好書則無擇篆隸八分正楷行草飛白見奕棊又好之至廢寢食冬月手背瘡腫忍痛就好手布子獨坐則以名譜覆之見鼓琴又好之甚至箏數十筴擊劍踢踞見卽好好卽習歷歷碌碌以過於冠康熙壬辰年二十七歲授經楓江乃屏棄一切

自叙

專力於畫畫亦屏棄一切專力山水詩與畫本表裏書爲畫之原故兼之然於書猶常輟不甚力古文性所嗜然不妄作追遊四方不能謝人殊不意爲有道所賞因益致力焉蓋自三十歲後惟是三物相尋以迄於今茲三者雖魯究其源流條其支派終以無專師不自信六法之得失姑且置詩與文則嘗指數交遊中好古篤學若襄城劉庶常芳草永城胡孝廉師高閩中鄭明府石幢錢塘桑水部嶺南趙余文安州陳方伯密山襄城萬明府西田錢塘杭編修董圃題余詩諸公長者不欺人以之爲印乃稍安之然究不敢以爲是今復爲宗匠所

自叙

賞甚欲鈔梓其詩自是而後卽於詩學庶可望途以進惜乎老矣因序以識我公高誼兼述庚學之所以老而無成由於幼孤失教拉雜以廢少壯之歲月悲夫乾隆壬申夏五秀水彌伽居士張庚時年六十有八

强恕齋詩鈔

總目

卷一

樂府二十七首

卷二

五言古體詩一百八首

卷三

七言古體詩二十三首

卷四

五七言今體詩一百十三首

强恕齋詩鈔

强恕齋詩鈔卷之一



秀水張氏 吳浦山著

男時敏校

樂府

度關山

攬轡升高慨焉顧望天何穹窿四野茫茫日月垂耀黍稷輸芒萬物以育朕民用康悠悠千古厥運靡常爲吉爲凶治亂以彰治日何隘亂獨何長嗟勞往聖端作其章于俾後世循之勿荒崇山有崖林木有芳豈無耕釣叟也實良湯文不興卒衰以亡才難之歎微之既庸不見曷微豈不在明龍起雲從虎嘯風生龍虎之靈風雲之揚

登高邱而望遠海

升彼高邱以望大海濤濤淫淫遐哉邈矣西則我崖東豈有浹浴日盪月亦何光彩珍怪殊類不可紀載懿夫神龍含珠而潛無悶於世弗違於天放懷言志歌以永言

君子行

世情禁莫紀變故惟斯須小人貽後悔君子能先圖貌恭恆多匿心險定有敝疑似實危道親昵非安途夾谷

隱葉卒武關設秦父齊饋范折脅田歡賓傾軀神明自
前斷依回不及趨豐蔀信得疾履霜慎無虞前車鑒豈
違請爲範馳驅

傷歌行

圓月流清光皎皎入我室百憂在中懷鰥鰥夢不徹
蟋蟀繞壁吟寒蟬維哀咽披衣臨廣除俯仰天宇濶四顧
無所之露氣森肌骨含意歸空房獨坐泛瑤瑟感彼同
心人關河限芳輶知者復其誰餘音自清越不覺雙淚
垂寸腸已摧折

秋胡行

張恕齋詩鈔卷一

二

曹孟德秋胡行其二篇氣骨高邁託意遙深令讀者慘
鬱不聊然不忍釋因節其聲成篇
願登泰華山神人共遠遊經歷崑崙外飄飄入極邇思
得神藥服萬歲以春秋天地何長久人道居之短四時
更逝去晝夜不能緩大人弗之戚但憂世不治存亡自
有命慮之殊爲卑戚戚欲何念歡笑意所之壯盛富智
慧但恨不再來愛時以進趣將欲惠其誰汎汎自放逸
卒亦何所爲

出自薊北門行

少長幽并間意氣負慨慷擊刺風壇場同袍每相仗邊

方羽書急徵兵日紛攘結甲入軍門立馬異儕黨將軍
顧之喜命充輕騎往旌旆耀朝暉箭鼓發清響旦夕出
雲中敲陣衝沙上茶火不眩目各矚利雙掌男兒重大
節生死不懷兩但求邊方寧匪邀竹帛獎

空城雀

吁嗟爾黃雀結巢空城內城空何所有塵煙自明昧渴
飲惟溷汙飢來啄荒穢思食中田禾險機密以待翔遊
不越叢飛鳴不離隊風雨淒淒可傷永雪積尤殆鳳皇雖
大聖恩施豈能逮世間寒苦情多集微細輩

豫章行

癸卯客江西作

張恕齋詩鈔卷一

三

驅車遠行邁言至豫章山山川繚以逕情親阻且艱
途方始茲安得籌歸便飄風吹落日此日忽已殘隴
趨行迹林鳥接飛翰羣動有恒處我生獨不然秋草更
春綠春樹俄秋殷奄忽互相代愁瘁凋華顏念離寧自
今於古多悲酸何況心所懷不同平生歡繫繫中田瓜
大小相鉤連白雲渺天末遊子何以安

苦寒行

嚴冬朔氣勁原野何淒其黃蒿斷無叢陰雲凝不飛不
見人行跡惟聞風聲悲礪永堅且層雨雪正霏霏此時
遠遊子肝腸爲之摧晨朝犯凍出日暮猶未悽慊慊苦

寒心但思一來歸蓬門有儒士寥落江水湄盎中無儲粟架上無懸衣妻子坐長歎童稚相對啼開戶一騁望東西安所之誰調居室安遠勝遊子悽

長歌行

戚戚暑景促擊節歌長歌韶年耽行樂壯歲營室家室家營何苦險艱閱風波塵侵輔頰霜上顛毛華一心抱耿介萬事成蹉跎時往若爲少歲來寧能多以茲窮身世將復怨誰何南山有崇崖喬木有高柯眼前方剛力空爲賤貧磨長歌擊節垂涕紛滂沱

羽林郎

張忠齋詩鈔卷一

四

漢庭重宿衛詔貢鄉曲英六郡良家子趨俊咸籍名分班屬光祿奉期操五兵騎射既巧捷擊刺亦莫撓天顏喜以寵賞給不翅行聯轡入酒肆吳姬最娉婷貌敷林葩艷氣吐幽蘭馨金壘奉甘漿玉盤薦芳葵翩翩馮子都顧盼遂目成黃金豈復惜要以千秋盟粵翠飾釵梁秦珠綴冠纓裾裙影綺盤屬鳴環瑛深沉起繡閣竊窺連丹楹象牀雙紋席桂棖粲蕭蕭七盤傳已舞子夜翻吳聲羅茵寢不隻華敬坐每并職事浸怠弛與博窮歡營男子戀顏色女兒恃恩情顏色有衰歇恩情無終益幸茲芳盛時毋使樂意輕

白頭吟

翔陽中蒼昊萬彙咸昭臨夙昔蒙愛寵感激輸貞心棄置忽有命恐慄不可任職事或有闕歲月亦已深燦燦合歡被依依堂前琴瑟被憐故色撫琴傷舊音拭鏡鬢如蓬卷衣涕盈襟茲夕尙雙影明晨卽孤吟仰望連枝樹側見比翼禽生死常相守咨爾敦何忱

從軍行

樸屬治戎輅兩駟調華輶出郊鏑吹急飛響薄霄浮涼颼颼旆旆旆景明鞬鑿將軍無綏轡士卒寧逗留別筵未傾觴驛涕追前儔腰鞭夾魚服揚鞭牽巾韉馳電望

張忠齋詩鈔卷一

五

不及凝雲慘悠悠橫戈今夜宿知在前山陬迢遙生還期惻戚空閨愁匪勉持門戶一日誠三秋

江南弄

江南水清漪芙蓉生其中污泥不能染亭亭自嫣紅

白馬篇

渥洼產天馬沙苑生龍媒千里洵難得孰不希良材昨朝道旁見有馬獨裴回睛懸上脣急腕促肘腋開不閑自調良迥立多軒威曷爲腹偏瘦尻脊成崔嵬餘鬃無復翦長鳴一何哀邊亭徵兵數需駁如風雷材官莫相顧旣吏猶疑倩終然不及羣垂頭食枯葉世乏九方歎

金鞍被鴛鴦對之爲涕出汨汨綠雙腮

盧家子

娟娟盧家子當軒理杼軸日影謁朱櫺停校看新綠

雍門琴

蕭蕭白楊林下有貴人家昔見清塵行今看宰木拱落
日下飢鴉西風響潛蕃眨眼已如斯百年知誰壘

步出夏門行

短日難爲樂言仿蓬萊居駕舟泛洪濤風引如乘虛燁
煌金銀臺璀璨白玉除神芝九莖秀人忤萬尋餘白麟
與白雀翔遊於庭隅王母媚蘭衆輝耀被霞裾粲齒揚

張翥齋詩鈔卷一

六

清音鳴絃協笙竽飲我龍胎醴解以九鼎魚授我飛龜
帙祕以合景圖松子侍我坐靈妃導我趨大樂洵在茲
奚復懷塵區

子夜四時歌

春月諄有輝春花媚相亞歡醉扶不醒辜此花月夜
縱卧貪曉涼歡來驚始惺急起整衣裳顛倒失襟領
儂移石榴樹植根倚郎宅嘉賓子最多須郎親手摘
吹火熱鳳炭煖酒斟鸚鵡郎莫出幃去戶外寒風多

種葛篇

裊裊菟絲草高松得延緣與君爲新婚三星爛中天一

夕結深愛千載期無終鵲鵲雖云好豈若兩情連比目
亦不別豈若一心牽日月方照灼君子有異言誰能構
此苦無乃蒼蠅前磊落山頭石清澁井中泉返景在西
暉君聰寧久捐遲遲行中道惻惻念舊恩舊恩愈新
反覆增煩冤

碣石篇龜雖壽

堅哉南山石誰云不驚崩飛龍自升降委骨清川旁人
生百年內忽若葉上霜日中必就昃花落寧再揚思欲
樹府公精血已銷亡含悽增悲感中夜起徬徨徬徨亦
何爲殘膠猶可觴君子貴知命保艾以安常

張翥齋詩鈔卷一

七

美女篇

南國有美女窈窕蓬門深芳顏耀華華幽蘭間重衿堂
除不輕踰機杼日相尋歷歲月晚抱貞若初襟洞房
秋正肅時菊爛黃金君子慕高義媒妁致所欽裴回猶
未已鴻雁揚哀音哀音從北來嗷嗷驚我心心驚不復
已綠頤涕淫淫徙倚出戶望彌空慘沉陰羣鳥戢羽翮
悲風號空林四顧增愁思傍徨莫能任還歸理素業簾
牖闕陰岑

白紵曲

裁縫白紵作舞衣輕盈光潔如雲霏和柔趁身宛轉依

曳以登場翩若飛踏節叶曲無違機奏伎佐巧出精微
雪迴霓引紛菲菲蘭膏照耀皎愈輝越羅蜀錦何足希
誰云素質人所非

隴頭水

策馬上隴頭隴頭水鳴咽直如遊子將遠行聲聲啜泣
堂前別西風颯颯天穹窿猿啼虎蹲落日紅此情慎勿
寄鱗羽悠悠且下隴頭去

強恕齋詩鈔 卷一

八

強恕齋詩鈔卷之二

秀水張 庚浦山著

男時敏校

五言古詩

雜詩擬曹植 鈔五首

登高見落日颯颯西風涼迎風望美人關路阻且長思
欲往從之我馬瘠不強雲中有歸鴻習習下迴塘託以
通我辭一札緘明璫回來悵相失泣涕沾衣裳

淅淅林間藕金風來吹之故條不能守飄颻無定馳風
長安所極觀茲令我悲孤踪千里道日暮恒苦飢棄置

強恕齋詩鈔 卷二

十

且前轍憂思徒傷脾

越國有美女顏色天下白采葛空谷中辛苦成絺綌舉
世慕華姿孰能動真情奄忽青春徂良時苦輕擲
晨興整行李慷慨以出遊僕夫問奚適我心殊悠悠萬
里若在望所向終無由蕭條悲風來逝水馳急流思欲
濟此水渺然斷行舟鬱鬱守故廬孰與爲深謀
秋風吹庭樹秋雨沾我裳階下陰蜚啼雲間陽鳥翔迢
迢遶遊客惻惻思故鄉出門原野秀今見林木黃行子
感時節居人重憂傷嘉賓滿四座耶且爲樂康

秋感詩 鈔二十五首

秋風起庭樹綠葉微銷落蟋蟀鳴草根玄蟬號林薄側
見征鴻飛杳杳入寥廓感時各有動人生豈無託茲歲
聿云暮良辰已爲昨取我清琴彈空階舞雙鶴

太極本一氣流行分陰陽其機動乎內幽杳極微茫生
死互相嬾其生必精光尙觀羲畫圖治亂情何章至人
獨冥契於以持其綱

迢迢湘江水杳杳蒼梧山山遠望不及但見浮雲還浮
雲本無心倏忽有無間我欲往從之舟子告不開裴面
日將夕歎息凋朱顏

幽居湖萬物所感在至精西隣有季女吉士懷深情求

強恕齋詩鈔 卷二

二

之既誠確和說遂偕行乃知孤立者不得觀厥成天風
遇於內所貴守其貞

澗底有潛蚪窈窕含幽光鱗鱗雖未見陽德寧久藏操
築傳巖下持竿渭水旁二老豈有求夢感在君王風雲
一朝會羣黎得安康

嶧陽孤桐枝萃精日與月激泉漱其根積雪沁其骨斷
作綠綺琴微鳴何清越伯牙既得之珍愛莫能奪良時
一再鼓松頂微風發幸遇鍾子期流水不敢遏佳音思
欲罄再來痛已沒撤之永勿親終身任囊括

娟娟裊絲絲延蔓荆棘叢樵斧每同盡豈若施喬松落

蠅附良驥千里何從容巍巍五人者獻子垂清風

閑居寂無事緒絲坐湖濱水氣澹澄暉渚花相鮮新巨
魚沉不餌貪芳多纖鱗皎皎草廬士豈慕聞達人三顧
感禮遇慷慨遂致身膚公一以奏大義千秋伸竭來夸
毗子微志善因循

吾哀揚子雲所抱清且醇澹泊既自甘卑位亦不噴草
玄通義易法言準魯論炎精欲中沒寧不識其因中心
復何怵視顏著美新吁嗟辭章士富豔未可珍

蜉蝣營糞九殷勤不知穢時至化爲蟬飲清高空中鳴
聲一何悠涼颼遠相載集寥饕苦辛到死無所喪我觀

強恕齋詩鈔 卷二

三

之二蟲忽忽心已昧

灼灼天桃花顏色亦何好佳人重高義委身執灑掃親
愛既無間明信日同皦鵲鴦不單飛鴛鴦不獨老烏知
君子心情施莫自保谷風感陰雨塘上悲蒲草可憐離
合情不必始非道

憶昨條風至蝴蝶清芳園碧草揚幽馥藹藹迎春溫飛
霜一霽灑顚顚莫自存昔者紅顏好素髮颯已繁靈藥
不可求頽陽豈能援奄忽從大化古來誰不然令聞盡
自寶驅車早歸旋不惜少年子挾華叢笑憐

膠漆合自固水乳融莫離君臣致一德和氣充華夷區

區交遊間亦貴精誠維范張欸泉下沮溺耦鋤犁耨
或小異大同已泯之耳餘本浮薄隙末奚足嗤

東國多君子憲也獨酷貧作宰夫子家辭祿甘苦辛富
貴以道得何懼清迹淪行已雖似過捫心胡弗伸空室
蓬茅間安之以終身流風激萬代貪夫庶遂巡

皎皎碧空月流輝有餘清寂寞坐達夜簾露浩已盈拂
枕不成寐調瑟倚南榮悲風起林薄窈窕流苦聲聲苦
不足惜惟以爲我誠安得識曲者攜手以偕行

驅車出東門行人何擾擾衰稚俱有營豈不在一飽濛
汜見傾陽年命孰能保孤兔穴孤坟寧復區拙巧

強恕齋詩鈔 卷二

四

維昔崔亭伯矯矯揚高名早爲萬乘知旦夕公與卿宮
車忽晚出憔悴權門行峻志豈少靡孤踪亦何清長岑
不肯往匪爲邑令輕

昔遊燕故都會上千金臺抗懷在往古踟躕以裴回是
時陰庚物凝霜被蒿萊曠野杳無際耀靈正西頽驅馬
舍之去滿目飛黃埃小人計功利君子多苦懷

憶昨涉漢水鼓枻上荊州滄波聲浩浩白雪莽悠悠鴻
雁叫其羣嗷嗷集沙洲日落野色黃望遠見昭邱投詩
弔湘纍垂涕不可收

擊石更拊石以雅復以南端冕聽欲卧游魚翔深潭物

豈智於人至精諒斯涵乃知好學者字音曾未諳何令
北郭生竊迹時相參

涼風動高林白露溥修竹荷芳日就疎蕙氣已銷馥惟
有階下苔瀰漫衍秋綠苦集亂蛩聲黃蝶翩往復靜坐
懷殷憂仰嗟白日速浮世多悠悠誰與慰幽獨

置酒邀嘉賓嘉賓滿我堂高談發妙理清詠流芬芳穆
然和風洽意氣咸相臧青春正茂盛林萼交生香懷歡
暢樂飲羽觴行無方殷懃保克終志豈在樂康醜彼兒
女態富貴戒無忘

藝殺逢早歲枯槁勞弗滋厥明諒難受曷以慰調飢將

強恕齋詩鈔 卷二

五

欲改所樹氣候亦已遲惻惻躊躇間仰天涕漣漣
憶在漢皋上髣髴見游女思欲託幽衷冉冉去無所覩
面不可親追慕徒心楚蘭茝自芊芊零露何涓涓微波

駛東流肩由通我語遲遲白日晚佳期悵何許
日暮忽不憚杖策聊行遊行行及逝川欲濟無方舟悲
風鳴曠宇歸鳥望林投短翼安一枝黃鵠將焉求戢羽
倘失所踴躍徒懷愁

宿太湖

曉入太湖口暮仍太湖腹杳渺聞漁歌歇舟傍水屋蘆
白孤蟾生霧青衆山宿我夢曠無塵煙波遠相逐

迷路宿山家

季秋天氣好，衿衣恣遊行。貪奇每遠興，窮幽恒百轉。陽崖嵐氣殊，陰谷雲容變。側聞伐木聲，之復不見常。恐佳期後遂，使餘情戀山岫。口已微歸舫，路俄而蒲稗參。曲渚停芳日，廣壘山人止。我宿一笑啟，蘿院掃榻醉清醅。夢醒幽禽嘯。

哭妹

暑景亦何疾，春盡又朱明。痛我有翼折，歛已百日盈。淚出將以枯，哀至還復傾。爲客亦既苦，在感彌易驚。絲雨晦書色，淫鳩曼朝聲。空簾閉岑寂，孤影增淒清。伊余鮮

強恕齋詩鈔 卷二

六

兄弟唯子實，股肱斗米既。余負慈舍藉，子寧設悅會。未父居室幸，復并姊妹兩載。卽何遽罹此毒，永以傷孤笑。營魂時忽忽，春懷日怛怛。恫恍疑未定，殮殯送已經。尙右肅孔禮，薄功愴仲情。暮影下軒牖，颯沓樛風迎。顧瞻若在目，諦聽恍呼兄。持之杳無有，悽絕帷燈青。

七里灘

扁舟浮爽秋，週遭攬奇山。千峯耀晴碧，萬石叢潺湲。崖枝帶梳檣，臺松摩雲天。涼颼下蒼麓，珍禽鳴其顛。澄波見潛鮪，演漾餘清寒。嵐交若爲阻，權擊還自前。謝詩失彷彿，黃圖亦未殫。黃子久有富幽勝必親飽始悟嚴所

安欲去誠不忍，非關薄朝冠。葺茅願託地，寤言續考槃。雙井拜黃文節墓。

達人氣自浩，夷險不介胷。詩書植志節，獨直存古風。豈以權奸私，遂易孤筆公。百艱竄宜州，清嘯見淵衷。可憐平生交，畏匿誰相通。蘇蔣敦古處，幽魂歸故宮。霏霏萬壑煙，鬱鬱盤山松。沽酒出罨叟，采藻臨沖融。神期靈不遜，音絕心有忡。感慨賦詩章，愆焉愧多蒙。

豫章懷古

漾水滙彭蠡，敷淺根岷山。千里衍靈脈，間代毓名賢。友教澹臺敬節義，孺子先泐穆。陽高風巍峩，表江埏。吾浮

強恕齋詩鈔 卷二

七

扁舟來曠攬，費吟歎。釀酒弔陶公，果里秋光懸。時當典午，溺草野奚能援。闔戶且持杯，傲兀憑東軒。感興賦荆軻託意記，桃源落老貧。困昭昭存大，閑大閑在宋季。文謝尤鉅艱，請試一誦之多。恐聽者酸動，王發顛卒。樂鼓乞朝，奸公上疏乞斬。以黨故，沈知異心賊，卽出同袍。全張全獲，兵三千悉膏野。一身遂羈縲，第爵重隆眷。鼎鏹輕危言，幸爲李廣脫。復秉諸葛權，吁嗟命莫挽。拯拯勢自慳，雲都捷方始。空坑覆已還，再收嶺南卒。遂困屋山樊，忠激瀾泉輩。殉軍亦何繁，假名義子俊。生祭傷梅邊，賦詩燕獄底。正氣彌炎炎，瞻南拜稽首。飲刃無戚顏。

是時架閣公募士信撫間銛鋒亦頻挫負母竄甌蠻妻
女弟姪婢次第取義捐蕭條隱卜肆零丁奉匪盤薦徵
禮偏數却聘志益堅行省復敦迫旅踪遂難安結衣涉
故途隱痛絕朝餐竟按首陽轍繼策文山鞭從茲越氏
業於以悲淪湮有明遜國際成仁復金川縛子寧刻其
遺文名金川王集請誅李景隆廷議侃侃論抗言斥用事策問
發宏篇焚宮哭車駕擁立驚鴻班置殿舌雖斷畫陞血
可濺成王安在字莫滌淋漓磚氣凌九霄直心照萬古
丹四體罹極刑全族遭奇冤姻戚五百餘死成慘牽連
卓哉三君子臣節洵自完精氣耀列宿碧血凝重泉有

強恕齋詩鈔 卷二 八

時嘯陰雨有時啼淒煙白楊莫尋問悲風徒回旋手持
一樽酒擷藻出清漣吉蠲北向陳楚些歌且絃魂兮各
歸來來會東籬前東籬菊正花采采共盤桓

德安道中望廬山

揚鞭越北郭長道追飛蓬四顧皎秋素旅心正忡忡眼
際忽異翠離合天光中問訊知廬阜決注馳雙瞳一氣
混峯嶺萬象苞鴻濛漸可辨經絡條已昧復通鬱勃夫
何如升騰若凌空自非羽人宅奇靈安爾鍾我哉真面
目且以暘心何一爲入其腋顛倒邱林叢
聽葉亟齋談霍山之勝書此爲尋遊之約

結廬南嶽下耳目飽幽勝一雨百泉鳴高秋衆山靜地
僻無澆風居人葆真性聽談未及終吾心已潛派請爲
來歌期再作誅茅訂

秋夜同葉劉二子訂遊廬山用柳河東石門精舍韻

弱植纏林泉看山氣軒爽名區稽圖經匡廬夙欽仰鬱
盤西江雄奇秀羣峯長由來盛寄搜自昔富吟賞鹿洞
實儒宗焯焯孰能上賢訓重堂皇宸翰尊瓊瑤其餘
諸禪寮一一凌虛敞旅踪苦羈仄幽懷徒淒淒擷翠興
已違牽風夢或往適昨九江行僅占良宵象府志云九

強恕齋詩鈔 卷二 九

之料解七賢願定撫五老掌七賢五老皆峯名揭揭鳴征轅綿
綿紆靜想孤館耿篝燈荒庭走魍魎慰寂賴高朋論文
駕屢枉志合有隱契調同無異響深秋宵愈清華月光
逾曩晚桂輕颺留時菊濃露養煮栗厨所司烹茶童可
仗含情及遊盤顧笑各心朗劉也青蓮傳葉也香山黨
書堂留餘芬草堂絕塵埃裝糧快迫尋夙抱非虛傲愜
惜瀟灑襟踟躕紛囂壤日月恨奔滔煙霞辜泱泱無將
秉燭意乞與前人廣開春新陽舒連袂賦宛蕩峴舟駕
莫三乎屐蠟須兩吟牋必表德繪筆還肖像茲盟苟不
寒路豈非尋丈請試企匡君早頓雲中顙